

محل مطبعه و اداره :

جفال اوغلنده امنيت

صندوغي جوارنده

شنگول يقوشنده

۲۲ نومرو

مستطابق

امضاء :

مسلکمه موافق آثار

جدید مع الممنونیه

قبول اولنور

درج ایدله یں آثار اعاده اولنماز

دیر ، فلسفه ، علوم ، حقوق ، ادبیات ، تاریخ ، سیاست ، و بالخاصه احوال و مشورہ اسلامیه در بحث ایدر و لطفه در نشر اولنور .

آبونه بدلی

صاحب و مؤسسلری :

در سعادتده نسخہ سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلہ دن مقوا بورو ایله کوندریلیرسه سنوی

۲۰ غروش فضلہ آلنیر

۱۰ تموز ۳۲۴

سنه لکی	التی آیلنی	غروش
۶۵	۳۵	۳۵
۶۵	۳۵	روبله
۱۷	۹	فرائق

عدد : ۱۱۴

۸ ذی القعدہ پنجشنبه ۲۸ تشرین اول ۳۲۶

بشنجی جلد

استقامت

کتاب اخلاقيه ده (استقامت) شوبله تعريف اولنور :
استقامت ؛ هرکس بولنديني موقعدن قوانین منيفه ونظامات موضوعه نك کوستردیکی يوله کيتمک وابناي جنس نك حقوقی محافظه ايتمک ، عهدنده صاحب وفا اولمق ديمکدر .

استقامت : بجله خدماتده وهرنوع اخذ واعطا ومعاملاتده توکنمز بر سرمايه در . استقامت صاحبي مسئوليت ومحجوبيتدن قورقماز ؛ چونکه انلری داعی اولان يولارده بولونماز . هر زمان آلی اچيق سربست کزر ، سربست سويلر ؛ سوزی هر یرده مرعی ومعتبر اولور .

استقامت صاحببری اومدقبری درجه ده ثروته مالک اوله ماسه لر بيله بر وقت آج قالمازلر ، سويلرلر ، ارايزرلر ، حسن ظن ايله قبول اولونورلر .

قرآن کریمده استعید بالله (فاستقم کما امرت) آیت جلیله سی منظوق منيفه توفیقاً استقامت اوزره حرکت مجبورز . امر ونهیده استقامت اوزره اولمقلغمز وحدود شرعیه نی تجاوز ایتامک کلکمز یعنی طوغرولقدن آیرلماقلغمز فرمان الهی نك جمله ایجاباتندندر .

جناب رسالتپناه اعظم صلی الله علیه وسلم افندمز (شیبتي سورة هود) یعنی سورة هودنی اختیارلاتدی بیوردیلر که سوء جلیله هودده یوز اون ایکنجی آیت جلیله ده بو امر عالی سبحانی مقصود حضرت نبویلری اولدیغی محدثین مفسرین بیان ایتدیلر . بو حدیث منيف محمدی ؛ حقیقت استقامت اساسنه معطوفدر .

استقامت اوزره حرکت ایدن مؤمنلرک مرتبه عال العالمنه استعید بالله (ان الذین قالوا ربنا الله ثم استقاموا الى اخر الاية) نظم بدیعی دلالت ایدیور . « مستقیم اول حضرت الله اوتاندير مازسنی »

اعظم ارباب دین استقامتده جناب حقك رضاسی واردر دیدیلر . رضاء الله مظهریت ایسه ایکی جهان سعادت سی استلزام ایدر . بر انسان بواساسی کمدینه رهبر اتخاذا ایدر سه بختیار اولور .

استقامت صاحبی اولیان آدم جمعیت بشریه نك خائی دیمکدر ؟ زیرا کندی منفعتی جمعیت بشریه نك مضرتنده آرایا بلر مستقیم اولمایانلر در که انلرده خائندرلر . (خیر الناس من ینفع الناس شر الناس من یضر الناس) حدیث عالیسی بو حقیقتی میندر . انسانك قلبنده فکر استقامت تمرکز ایدر سه جمعیت بشریه البته آندن فائده کورور ؛ مثلاً بر مأمور منسوب اولدیغی دائریه وقت معینده کلوب کيتمکه ، مصالح دولتی کمال استقامتله ایفایه مأمور ومحجور اولدیغی حالده خصوصات کیفیه سی وظائف رسمیه یه تقدیم ایدر ده ایشنك باشنه کچ کلیر ویا وقت معیندن اول وظیفه سی باشندن تباعد ایدر سه ویا ادره صره هیچ کلزسه او کیمسه شر الناسدر ؛ شر الناس ایسه خائندر . برده او کیمسه اول امرده خلاف امر الهی حرکتی اعتباریله نفسنه ظلم ایتمش ، ثانیاً حقوق دولت و ملتیه تجاوز

وفدا کارلقلرندن طولانی بوزلر شایسته تشکر ومحمدتدرلر . بوکی ذواتک حمیت وفدا کارلقلری واهالینك کنديلکلرندن تشکیل ایتمش اولدقلری معارف انجمنلری سایه سنده بر چوق اولاد وطن کسب علم وعرفان ایتمکده در .

اطفالک سویه اقتدار و ذکاسی خصوصنه کلنجه اطفال مرقومه ظرافت Ainesse نراکت Délicatesse ذکاوتجه Intelligence دنیا نك اک متمدن ومترقی ملتلرندن بولن ان فرانسز ، آلمان ، وانکلز چوجقلرندن تفریق ایدیله مزلر . بوزلر بر عشیرتدن قوجه بر ایمراطورلق تشکیل ایتمش اولان واطرافنده بولن ان بالجله اقوام متمدنه وغیر متمدنه نی تحت انقیاده واطاعتنه المش والتیوز بوقدرسه کمال عظمت واحتشام وشوکتله بیوک بر ایمراطورلنی اداره ایلمش ونفوذ وسطوت حکومتی اقطار عالمه ظنین انداز جلادت اولمش اولان اجداد معالی نژادلرینك احفاد وانجالیدرلر .

ایشته بر طرفدن شو ملاحظات دیگر طرفندن اطفال مرقومه نك احوال وارصافی نظر امعانه الندجه مبتلرک حالنه تأسف ایتامک الدن کلور . بن مکاتبی دور وتقتیش ایدرکن یکی ترکیه نك آتیسنی ، اسلامیتک استقبالی تأمین ایده جک اولان مینی معصوملرک ذکاوت فطریه لرینی حسن استعمال ایتمک لازمکلرکن بالعکس بو بیچاره لری رطوبتلی خراب وکونش یوزی کورمز بنالر ایچنده وسائط تسخینه دن ونظافتدن عاری یرلرده صغوق وقوری تختلر اوزرنده کوردکجه حاللرینه آغلاماق الدن کلور . بو بنالر مکتب اولمقدن زیاده بر اشکنجه محلی ، بر حبسخانه اطلاقنده هالایقدرلر . اطفال مرقومه منتظم وحفظ الصحیه موافق رطوبتدن عاری بنالردروننده اصول جدید اوزره تعلیم وتدریس اولنه رق عقل ودماغلری پرورشیا ب ایدیله جک یرده فنابراصول تدریس نتیجه سی اوله رق عقل و ذکالری قوه مفکره لری ابطال ونخیف وجودلری تخریب اولنیور . بوکی مکاتب علی التدریج اکمال تحصیل ایله زمام مقدرات ملتی یدتمشیه آله جق حکومت ، شروطه مزه مناسب افکار منوره صاحبی مستقل الرای ومدبر ذوات یتشدر یلیوب بالعکس محدود الفکر ، ضعیف العقل وهر درلو اسارت واستبداده میال بر سوروهیولا وعجزه وجوده کتوریلور .

آتیده اصول تدریس حقنده مفصلاً بیان فکر ومطالعه ایدیله جکی جهته شمديک اطناب کلامدن صرف نظر ایدم . فقط اطفال مسلمه نك استعداد وقابلیت فطریه دن محروم اولدقلرینه دائر موجود اولان فکر وزهابه قارشو بتون موجودیتله پروتستو ایدرم . بوللری ذکاوتسز وقابلیتسز کوسترن مکاتب حاضره مز ایله اصول تدریسدر . مکاتبی دور وتقتیش ایلدیکم ائنده طلبه نك برچوغنه درسلیرینه دائر سؤالر صوردم اولا بندن صقیلیدیلر وبالاخره کوردکلری مشفقانه معامله اوزرینه سربستجه جواب ویرمکه باشلا دیلر و طرفندن درسلیر حقنده ویردیکم تفصیلات وایضاحاتی پک چاپوق اخذ وضبط ایتدیلر .

احمد آقایف

اولهیم . ایکنجیسی ایسه کندیملک اولدیغندن خصوصات ذاتیه می بونک شعله سی آلتنده کورو یورم .

سز بکا ذاتمه عائد بر خصوص ایچون مراجعت ایتدیکنکزدن کندیمه مخصوص چراغی یاقدم . زیرا بیت المالك ویردیکی یاغی ماضع لهنگ غیری به صرف یوزندن مسئولیت مغنویه ظهور ایده جکنی دوشوندم ، حکمتی بودر بیورمشلردر .

بزه نه کوزل بر درس حکمت و حقیقت تشکیل ایدر بر قصه لطیفه . سوکیلی وطنمز ارباب استقامته جلوه کاه اولدجه تبشیرات و عنایات الهیه دن حصه مند اوله جغمز و معزز مملکتیزک هر طرفی بوسایه ده انوار عدالتله منور ایده جکمز طبعیدر .

جناب حق مقدس وطنمزک تعالی شان و شوکتنه خدمت ایدن ارباب استقامتک اعدینی تزیید و ایچمزده منافع خصوصیه سنی منافع معززه وطنیه تقدیم ایدنلره و منفعتی مضرت عمومیه ده آریانلره صلاح حال احسان بیورسون تمنیات خالصه سنی تکرار ایله مقاله به نهایت ویردم .

حسین و صاف



سنوحت قلبیه دن :

باران خزان

باقکمز ، والدهمک قولتوغنی ، مندرینی
شو کوچک خردلی اشیایی ، اوسودکلرینی
اونلرک هپسینی — بربر — طاشیدم ناله کنان
اوپهرک ، قوقلایهرق ... شمدی بو هجرانله طولان
انزاکاه ملاله ، بومقسی ، ویران
بو پریشان اوطهیه ، ... ایشته شو قارشیمده طوران
— بیرمی بش ، بلکه اوتوز ییل قدر اولجه بکا
کندی فکرنبجه بولوب آلدینی فرسوده لقا —
یازنخانه یله ، آنک رایحه شفقتی
طاغیدوب روحی هرکون ازهرک قوتی
بیتیره ، پارچه لایان ایشته بواشیانک بن
اره سنده دوشونوب آغلیورم یأسمدن ...

تقدردده هوانک حالمه او یغون حالی
هرطرف حزن ایله ، برصمت حزینله مالی
قاپامش چهره افلاکی مکدر ، مفتور
بر سیاهمسی بلوط ، صانکه طبیعت ... مخمور
وده رین کیزلی اینلرله دوشن بارانک
دیگیور طبطبه صمتی طالغین طالغین .
اوطه نك هریرینی حزن ایله بی تاب وتوان
کزه ن انظارمه بر چشم مرارتله باقان
هپسی محروم امل بوینی بوکوک اوکسوزلر

ایلمش اولور . امر دوامده تأمین انتظام ایچون بر مأمورک قارشوسنده ایکی رهبر واردر . برنجیسی الله قورقوسیدر . چونکه حکمتک باشی الله قورقوسیدر . ایکنجیسی کچکلیر ایرکن کیدرو یا هیچ کمرسه معاشندن اجرا ایدیله جک قسط الیوم اندیشه سیدر . اللهدن قورقیان قولدن هیچ قورقماز . فقط انه کچه جک پاره نك آزماسندن قورقار زیرا انک دینی ایمانی پاره مذهبی وطنه حقوق دولته ، ملتیه خیانتدر .

بالاده عرض ایتدیکم وجهله قلبنده حقیقت استقامت تمرکز ایتش بر مأمور شویله دوشونور : خزینه دولتن بکا شوقید و شرطدا خلندده خدمت ایتککنکم ایچون بر معاش تخصیص اولونمشدر . بو خدمت برودیعه مقدسه در . مجرد اهمال و تنکاسل اثری اوله رق و قتیله خدمتمک باشنده بولنه مازسه م معاشمک او بولندیمز زمانه مخصوص اولان قسمی نیم ایچون مشروع اولاماز . چونکه بن امر اولوندیغک خدمتده طوغرولق کوستر فرمان الهیسنه قارشوایی بر حرکتنده بولونماش اولاجم . امانته خیانتدن بشقه بریشی انتاج ایتمین بو حاله جرأت ایده م . خصوصی ایشلرم اوقات معینه رسمیه نك خارجنه قالسین ، بن ایشمک باشنده و قتیله کیده م ، استقامت اوزره چالیشه م ، یعنی ایفاسنی درعه ده ایلدیکم خدمت مقدسه بی کاهی حقها حسن ایفایه ساعی اولهیم دیر .

ایشته عدالت ده بونی ایجاب ایدر . یوقسه وظیفه مک باشنده بولونمازسه م معاشم کسلیلر ، طرز معیشت خالدار اولور قورقوسیله حرکت ایلرسه اندن خیر کمز .

بزرکه افراد ملتدنز ، ملتیزک سعادتق ایچون چالیشه مقاله مکلفز : قابمزه فکر استقامتی برلشدیر ملی ، اکاکوره چالیشمیلیز . جزاقورقوسیله چالیشمق مسلکینی طوتانلرک حیواندن فرقی یوقدر ، انلر کنندیلرینی ملتدن عدا ایتمه سینلر .

نه وقت که قلبمزه بو اساس جایگیر اولور . اوزمان وطنمزک سعادتق سرعتله تجلی ایلمکه باشلار .

کذلک تجارتله مألوف اولانلر مسلک استقامتده ثابت اولدقجه کورولور که قدر و شرفی و اعتبار مالیهی کون بکون تضاعف ایدر عکسی حالی التزام ایدنلر محو و پریشان اولور کیدر .

حضرت حیدر کرار رضی عنه الغفار افندمز بر کیجه امور مسلمین ایله اشتغال اوزرنده ایکن خانه سعادت لرینه متصل اولان بر ذات معروضات خصوصیه ایچون حضور عالیارینه شرفیاب دخول اولور حضرت علی افندمز اوکلرنده یا نمقده بولنان چراغی سوندیرر . دیگر بر چراغی شعله لنیدر لر . او ذاتک افاده سنی دیکلر لر . مفارقت ایده جکی صروده جناب علی صکره یاقدینی چراغی سوندیرر ، اولکی سوندیردیکنی تکرار یاقار . هر حالنده بیک حکمت مشاهده اولنان جناب مرتضادان اوزات : هر ایکی چراغک شعله سی عینی ضیائی ویریورددی ، برینی سوندیروب دیگرینی یا نمقده نه مقصد اوله بیلیر دیه جرأتمای سوال اولدقده کعبه علم و حکمت جناب امام :

بو ایلمک سوندیردیکم چراغک یاغنی بیت المال مسلمین بکا وردی که کیجه لری امور عباد ایله مشغول اولدیغ زمان بونک شعله سندن مستفید